

Powšitkowne WOZJEWJENJA

njedźelu, 22. oktobra 2017

Přiležnosć k swjatej spowědži w Róžeńće

sobotu, 28. oktobra 17.00 – 18.00 hodź.	farar G. Warnar, farar M. Anders farar Šć. Delan, farar D. Dzikiewicz,
póndźelu, 30. oktobra 17.00 – 18.00 hodź.	farar M. Anders, farar G. Warnar, farar D. Dzikiewicz, farar J. Magiera
wutoru, 31. oktobra 17.00 – 18.00 hodź.	farar M. Anders, farar D. Dzikiewicz, farar M. Kleiner, farar S. Foelz

Zajimcy za skawtstwo přeprošeni

Prěnja skupinska hodžina wjelčatow Serbskich skawtow „Alojs Andricki“ přewjedže so wutoru, 31. oktobra, w 15.00 hodź. na farje w Ralbicach. Witane su wšitke zajimowane džěći mjez wosom a dwanaće lětami. Štóz chce sobu činić, njech so prošu pola Katje Hrjehorjec w Sulšecach z mailku pod adresu katja@skawt.de hač do pjatka, 27. oktobra, přizjewi.

Zetkanje putnikow

Putnicy, kotřiž su so lětsa pěši z Waršawy do Częstochowy podali, su na zetkanje do Radworja na faru přeprošeni. Tute budže wutoru, 31. oktobra, po różowcowym nyšporje, kotryž je we 18.30 hodź. we wosadneje cyrkwi.

Kermuška w Njebjelčicach

Lětsa přeprašujemy was, lubi serbscy młodostni, přeni raz na Njebjelčansku młodžinsku kermušku. Tuž přińdźće pjatk, 3. nowembra, do Njebjelčic! Započnjemy w 19.00 hodź. z młodžinskej Božej mšu w cyrkwi. Přizamknu so reje z diskoteku Melodia w „Bjesadže“. Zastup płaci tři eura. Wjeselimy so na was!

Njebjelčanska młodžina

Nazymski program

Chór, rejwanska skupina a instrumentalisća 1. serbskeje kulturneje brigady z.t. přeprašuja wutrobnje na nazymski program, kotryž budže sobotu, 28. winowca, w 17.00 hodź. na žurli Budyskeje piwarnje a njedźelu, 29. winowca, w 15.30 hodź. na Krawčikec žurli w Chróśćicach. Hosći wočakuje pisany program tradicionelnych a načasnych spěwow, rejow kaž tež melodije na tradicionelnych serbskich instrumentach. Cyłkowny nawod změje Friedemann Böhme.

Lipa koncertuje w Haslowje a Wojerecach

Składnostnje swjeho 110lětneho wobstaća wuhotuje chór Lipa sobotu, 28. oktobra, w 19.30 hodź. wosebity nazymski koncert na Bizoldec žurli w Haslowje. Koncertej přizamknu so reje z kapału Con-takt. Zastupne lisćiki w předpředani móža sej zajimcy wot póndźele, 16. oktobra, pola časnikarja Jürgena Njeka w Chróśćicach kupić. Samsny koncert předstaja Lipjenjo njedźelu, 5. nowembra, we wobydlerskim centrumje Kufa na Piwarskej 1 we Wojerecach.

Eksercicije za Serbow

„Póšli swojeho Ducha a wobnowiš wobličo zemje... A tež mje!“ Pod tutym hesłom su tež lětsa zaso eksercicije za Serbow w Drježdźanach Wysokich Dubach, wot pjatka, 3. nowembra, wječora hač do njedźele, 5. nowembra, připołdnju. Wšitcy wěriwi ze serbskich wosadow su přeprošeni, so na tutych dnjach wobdźelić. Přizjewjenja přijimaja so direktnje w Haus HohenEichen Exerzitienhaus, Dresdner Str. 73, 01326 Dresden, info@haus-hoheneichen.de, telefonowe čisło (03 51) 2 61 64 10 abo w Chrósćicach na farje pod telefonowym čisłom (03 57 96) 8 04 00.

W Kulowje budže Gospelowy workshop

Wšitcy, kotřiž rady spěwaja a kotrychž gospele zahorja, su pjatk a sobotu, 27. a 28. oktobra, do stareho dwórnišća w Kulowje přeprošeni. Cyrkwinskaj hudźbnikaj Carmen a Friedemann Wutzler z Weinböhly chcetaj tež druhich ze swojej zahoritósću za gospelowu hudźbu natyknyć a někotre twórby nazwučować. Tute twórby maja sobotu, 28. oktobra, we 18 hodž. na hudźbnym gospelowym nyšporje w Kulowskej cyrkwi zaklinčeć. Swójski přinošk za dorosćenych wučinja 20 eurow (město dotal planowanych 35 eurow, dokelž to kraj Sakska spěchuje), za šulerjow a studentow 10 eurow. Přizjewić móža so zajimcy hač do njedźele, 22. oktobra, z mailku na carmen.wutzler@gmx.de. Štóž ma prašenja, njech zazwoni na Jenny Pohl w Kulowje pod telefonowym čisłom (03 57 25) 9 25 41.